

Na osnovu poglavlja IV. odjeljak A. člana 23. stav 1. tačka b) Ustava Bosansko-podrinjskog kantona Goražde ("Službene novine Bosansko-podrinjskog kantona Goražde" broj: 8/98, 10/00, 5/03 i 8/04), članova 20a., 27 i 28a. Zakona o pravima branilaca i članova njihovih porodica („Službene novine Federacije BiH“, br. 33/04, 56/05-Ispravka, 70/07, 9/10, 90/17 i 29/22) i članova 3., 19. i 31. Zakona o pravima demobiliziranih branilaca i članova njihovih porodica ("Službene novine Federacije BiH“, broj 54/19 i 29/22, Skupština Bosansko-podrinjskog kantona Goražde, na 24. redovnoj sjednici održanoj 31.maja 2022. godine, donijela je

Z A K O N

O IZMJENAMA I DOPUNAMA ZAKONA O DOPUNSKIM PRAVIMA BRANILACA I ČLANOVA NJIHOVIH PORODICA U BOSANSKO-PODRINJSKOM KANTONU GORAŽDE

Član 1.

U Zakonu o dopunskim pravima branilaca i članova njihovih porodica u BPK Goražde ("Sl. novine BPK Goražde" broj: 9/13, 11/14 i 15/19), u član 1. dodaje se novi stav (3) koji glasi:

“(3) Prava utvrđena ovim Zakonom mogu ostvariti djeca šehida i poginulih branilaca, rođena u braku ili u vanbračnoj zajednici, i nakon prestanka prava na porodičnu invalidninu pod uslovom da imaju prebivalište odnosno boravište na području Kantona ili da su ostvarili povratak u Republiku Srpsku u općinama navedenim u stavu (2) ovog člana.”

Dosadašnji stav (3) postaje stav (4).

Član 2.

U članu 2. tačka 16. mijenja se i glasi:

“16. Članovi porodice demobiliziranog branioca, u smislu ovog Zakona, su roditelji, bračni partner i djeca rođena u braku ili van braka, usvojenik ili pastorak, koji žive u zajedničkom domaćinstvu sa demobiliziranim braniocem.”

Član 3.

U članu 64. iza stava (4) dodaje se novi stav (5) koji glasi:

“(5) Propisano uvećanje godišnjeg odmora ne može prelaziti propisani maksimum trajanja godišnjeg odmora.”

Član 4.

U članu 65. iza stava (3) dodaje se novi stav (4) koji glasi:

“(4) Subjekti iz stava (3) ovog člana dužni su u roku od 6 mjeseci od dana stupanja na snagu ovog Zakona donijeti provedbeni propis kojim se reguliše prednost pri zapošljavanju, na način da se licima iz člana 1. I 2. Ovog Zakona osigura prednost.”

Dosadašnji stav (4) postaje stav (5).

Član 5.

U članu 252. Stav (1) riječ „*roditelji*“ zamjenjuje se riječju „*porodice*“:

Član 6.

Član 252.a) mijenja se i glasi:

„252a.

“(1) U slučaju postojanja drugih okolnosti koje lica iz članova 1. i 2. ovog Zakona dovode u otežavajući položaj, odnosno ugrožavaju normalan način života s aspekta materijalno-socijalne situacije, istima se može dodijeliti novčana pomoć u visini do jedne polovine prosječne netto plaće isplaćene u Federaciji BiH u prethodnoj godini.

(2) O opravdanosti dodjele jednokratne novčane pomoći za ove namjene odlučuje Komisija koju imenuje Ministar za boračka pitanja BPK Goražde a postupak razmatranja zahtjeva će se urediti posebnim Pravilnikom koji će donijeti Ministar uz saglasnot Vlade BPK Goražde”.

Član 7.

Članovi 252.b), 252.c) i 252.d) se brišu.

Član 8.

U članu 258. iza stava (2) dodaje se novi stav (3) koji glasi:

„(3) Pravo na novčanu egzistencijalnu naknadu može ostvariti supruga umrlog demobiliziranog branioca ukoliko na dan podnošenja zahtjeva nema navršenih 57 godina života, te ukoliko ne ostvaruje mjesečne prihode u iznosu većem od 50% minimalne penzije isplaćene u Federaciji za mjesec decembar 2018.godine i ako je umrli bio pripadnik Oružanih snaga najmanje 12 mjeseci.“

Član 9.

Ovaj Zakon stupa na snagu osmog dana od dana objavljivanja u „Službenim novinama Bosansko-podrinjskog kantona Goražde“.

Broj:01-02-285/22

Goražde, 31. maja 2022.godine

PREDSJEDAVAJUĆA SKUPŠTINE

Aida Sirbubalo